

Relatóriu vizita fiskalizasaun ba Munisipiu Díli

I. **Introdusaun**

Komisaun Saúde, Seguransa Sosiál e Igualdade de Género halao vizita fiskalizasaun bazeia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, no mos bazeia ba art. 35 alínea c), art. 79 alínea f) husi Rejimentu Parlamentu Nasionál.

Vizita ne'e realiza tuir deliberasaun Komisaun iha loron 3 juñu 2020, hodi realiza vizita fiskalizasaun no observaun ba prosesu pagamentu Subsidiu ba Benefisiariu durante Estadu de Emerjénsia. Vizita ne'e realiza iha loron 10 juñu 2020, destinadu ba Postu Administrativu Dom Aleixo no Postu Administrativu Cristo Rei.

II. **Objetivu**

Objetivu fiskalizasaun ne'e hodi observa diretamente prosessu pagamentu subsidu ba agregadu familiar sira husi Ministériu Solidariedade Sosiál no Inklusaun-MSSI; entrevista ho beneficiariu inklui Autoridade Lokál (Xefe Suku no Xefe Aldeia sira).

III. Area tematika Komisaun

Konforme iha aneksu I, Deliberasaun Parlamentu Nasionál nú. 2/2018, 27 juñu, hodi konstitui Komisoens Especializadas Permanentes no defini área de kompetensia ba Komisaun F:

- a) Saúde;
- b) Seguransa Sosiál;
- c) Labarik sira, terseira idade no sidadaun portadores de defisiensiá;
- d) Kombatentes luta ba libertasaun nasional;
- e) Igualdade Jéneru no la diskriminasaun.

IV. Komposisaun Delegasaun

Membrus Komisaun sira-ne'ebé kompoen iha vizita de-traballu ida ne'e kompostu husi: **Grupu I**

- 1. Dep. Noé da Silva Ximenes "Buka Tuir" (Prezidente)
- 2. Dep. Lusia Taeki (Membro)
- 3. Dep. António Nobre Tilman (Membro)
- 4. Dep. Cidalia Mesquita Ximenes (Membro)
- 5. Marta Corte Real (Analista)
- 6. Augusta Marques (Técnika)
- 7. Mídia Parlamentu nain 3.

Grupu II:

- 8. Dep. Felix da Costa "Anin Buras" (Vise-Prezidente)
- 9. Dep. Helena Martins Belo (Sekretária)
- 10. Dep. Maria Gorumali Barreto (Membro)
- 11. Dep. Lusia Taeki (Membro)
- 12. Paulo da Costa Nunes (Técnico)

V. Atividades Realizada

1. Vizita Suco Becora, Posto Administrativu Cristo Rei

Iha Komisaun ninia vizita observasaun ba prosesu pagamentu subsidiu iha Suco Becora, Prezidente Komisaun ho nia Komitiva halo observasaun direta iha terrenu no hasoru malu ho Xefe Suco hodi ható informasaun hanesan tuir mai:

Xefe Suku Becora

- Iha suku Becora lista agregadu família hamutuk 4,380. Husi total lista Uma Kain ne'ebé simu subsidiu hamutuk 4,353, no total naran ne'ebé laiha lista hamutuk 27 Xefe familias.
- Iha problema hanesan família balun ne'ebé mai husi Munisipiu la simu subsidiu. Xefe familia la mai no haruka sira-nia oan mak mai reprezenta. Maibe nia oan nia naran la konsta iha ficha família no nia obriga tenki simu.
- Depois de lista Uma Kain submete tiha no Ministeriu Solidariedade Sosiál no fo lista ba suku sira hotu, no ami informa kedas ba Komunidade sira katak se mak senti a'an simu salariu liu husi \$500 lalika ba forma. Ho esplikasaun hirak ne'e iha família balun ba hato'o deklarasaun hodi la simu.
- Iha suku Becora lista agregadu família hamutuk 4,380. Husi total lista Uma Kain ne'ebé simu subsidiu hamutuk 4,353, no total naran ne'ebé laiha lista hamutuk 27 Xefe familias.
- Ba sira ne'ebé mak laiha naran halo deit reklamasaun depois de 15 dias mak sei halo fali pagamentu.
- Períodu pagamentu subsidiu ho ninia durasaun loron 14, tanba Suku Becora iha Aldeia 10. Horariu ba pagamentu hahu dader 8h00 no termina 20h00.

2. Vizita observasaun ba Suku Camea, Posto Administrativu Cristo Rei.

Iha vizita ida-ne'e, Xefe Suku Camea esklarese ba Membrus Komisaun relasiona ho prosesu pagamentu ne'ebé halao dadaun.

Xefe de Suku Camea

- Suku Camea ninia Aldeia iha 13. Atualizasaun dados agregadu familiar ne'ebé submete ba Ministériu Estatal no MSSI hamutuk 3,120.
- Dados ne'ebé apresenta no hetan validasaun iha deit Aldeia 9. Aldeia 2 nia orsamentu iha fali Suku Becora no Aldeia 2 mak laiha. Depois de halo *cross chek* dados husi Aldeia 2 refere sei pendente hela iha Ministeriu Estatal.
- Agora prosesu pagamentu subsidiu ba Aldeia 9, ho Benefisiariu hamutuk 1,611.
- Lista ba Benefisiariu sira-ne'ebé mak ho salariu liu \$500 ne'e iha, no Benefisiariu ba ninia salariu menus mos tama fali iha lista Segurança Social nian.

- Autoridade Lokál preokupa tebes ho Aldeia 2 ne'ebé mak laiha lista hanesan Aldeia Has Laran ho total 408 no Aldeia Ailele Hun total 285 Xefe familias.

3. Vizita Suko Culuhun

Suko Culuhun iha aldeia 7. Dadus ne'ebé entrega ba Munisipiu hodi enkamiña ba Ministeriu Estatal iha deit Aldeia 6 no Aldeia 1 (Tane Mutu) ho total Xefe família 156, la inklui iha lista. Kona-ba implementasaun pagamentu subsidiu, Xefe suku hare ba Aldeia ne'ebé ho total beneficiariu barak liu mak halo pagamentu uluk hanesan iha Aldeia **Toko Baru Dua**, tanba aldeia ne'e ho total Xefe famílias 443.

Kona-ba beneficiariu ne'ebé mak ho salariu mais \$500 iha duni, maibe Benefisairu sira-ne'e rasik mai halo reklamasaun hodi hasai sira nia naran husi lista. Antes, husi Ministeriu sira sei prosesa hela konaba pagamentu subsidiu, Xefe suco, Xefe aldeia no Konsellu de suku sira fó kedas avizu ba Benefisiariu sira katak "ba sidadaun no ita hotu-hotu iha direitu ba subsidiu refere maibe iha diploma ne'ebé mak vigora ona katak ida ne'ebé mak merese atu hetan subsidiu mak bele hetan no ne'ebé mak la merese atu hetan ho salariu \$500 ba leten labele hetan subsidiu refere".

Iha Aldeia 7 ninia Benefisiariu hamutuk 11 pessoas mak ho salariu mais de \$500. Husi total 11 pessoas ne'e ema nain 1 mak halo ona reklamasaun hodi hasai nia naran husi lista beneficiariu.

4. Vizita Suku Comoro, Posto Administrativu Dom Alexo, Munisipiu Díli.

Iha loron 10 fulan juñu 2020, Vise-Prezidente Komisaun ho nia Komitiva realiza vizita de-traballu iha Suku Comoro, Postu Administrativu. Munisipiu Díli. Iha vizita ne'e Membrus Komisaun halao observasaun direta hodi hasoru beneficiariu sira no Autoridade Lokál (Xefe Aldeia ne'ebé akompañia hela prosesu pagamentu).

Durante vizita iha Benefisiariu balun (lakohi temi naran), informa ba Komisaun katak iha Prosesu pagamentu subsidiu ba Benefisiariu sira ho tempu ne'ebé demora kleur liu tanba pessoal ne'ebé halo pagamentu husi MSSI nain 1 deit no hetan apoiu husi pessoal Administrasaun Suku nian.

Alein de prosesu ne'ebé demora no ha'an tempu, Benefisiariu sira sujere bele karik aumenta tan pessoal husi MSSI hodi aselera pagamentu.

Iha vizita ne'e Autoridade Lokál (Xefe Aldeia Aimutin) informa ba Komisaun katak loron 1^o no 2^o halao deit pagamentu ba Benefisiariu husi Aldeia 1 deit, tanba família barak liu iha Suku Comoro. Iha mos lista husi Xefe família balun mak laiha ka la publika ho total 150 Xefe Família. Husi lista ne'ebé Autoridade Lokál sira apresenta iha lista permanente inklui mos lista temporária ba Xefe família sira ne'ebé mai husi foho durante surtu Covis-19.

Reprezentante Komunitade akresenta katak lista ne'ebé ható ba MSSI barak mak la kondis ho lista ne'ebé aprovado husi MSSI. Autoridade Lokál implementa deit tuir regra ne'ebé defini ona husi Governu. Iha loron dahuluk halao pagamentu ba Benefisiariu hamutuk 104.

5. Vizita Suku Bairo Pite, Postu Administrativu Dom Alexo, Munisipiu Díli.

Halao tiha vizita iha Suku Comoro, Vise-Prezidente ho Komitiva kontinua halao observasaun ba prosesu pagamentu ne'ebé mak halao iha Suku Bairo Pite. Iha vizita ne'ebé Membrus Komisaun konsege halo entrevista ho Benefisiariu balun no informa ba Komisaun katak:

- Prosesu pagamentu halao ona, maibe jestaun pagamentu mak lao neneik liu tanba iha deit funsinariu nain 1 husi MSSI mak halo pagamentu. Ida-ne'e bele demora no bele ultrapassa data limiti ne'ebé fiksa ona husi Ministériu tutela.
- Lista pagamentu, iha mos naran Benefisiariu sira-ne'ebé ho rendimentu bo'ot (\$500 ba leten), ida-ne'e laos Xefe Suku no Xefe Aldeia sira nia kompetensia hodi desidi.
- Lista ne'ebé Autoridade Lokál sira ható ba Ministeriu ne'e bazeia ba formularia ne'ebé ható husi Ministériu kona-ba atualizasaun dados Familia. No laos formulariu kona-ba pagamentu subsidu.

6. Vizita Suku Manleuana, Postu Administrativu Dom Alexo, Munisipiu Díli.

Suku Manleuana ho suku 10 mak hanesan: Aldeia Mundu perdu, Lemkari, Lisbuta, Ba diak, Defaka, Mane Mesak, Ramelau, Mau, Manleuana no Aldeia Laulora.

Vise-Prezidente Komisaun no Komitiva kontinua halao observasaun ba prosesu pagamentu Subsidu ba Benefisiariu iha Suku Manleuana. Iha sede Suku, prosesu pagamentu kontinua halao husi pessoal responsável MSSI ho apoiu Reprezentante Komunitade, Polisia Komunitaria no Responsável servisu administrasaun Suku Manleuana.

Iha vizita de-observasaun ne'e, Xefe Suku no Xefe Aldeia informa ba Komisaun kona-ba prosesu pagamentu hanesan tuir mai ne'e:

- Prosesu pagamentu lao neneik tanba pessoal pagamentu iha deit ema nain 1 husi MSSI.
- Lista pagamentu ne'ebé ható'o husi Autoridade Lokál ba Ministériu Solidariedade Sosiál no Inklusaun ho total 560 Xefe família (Xefe família permanente no la permenente) la koresponde ho lista aprovado ne'ebé pública husi Ministériu no total 637 Xefe família.
- Iha lista dupla husi Xefe família sira entre aldeia ida ho aldeia sira-seluk.
- Tuir lista ne'ebé pública ka haruka mai Sucu, iha Xefe Familia ida hanesan ema traballador bai-bain tama fali iha lista ba sira-ne'ebé ho rendimentu \$500 ba leten (lista 148. Sr. Santiago P. Correia).

- Eis Deputadu, Diretor no Assessor balun ho rendimentu \$ 500 ba letan sira nia naran iha fali lista públikadu.
- Formulariu ne'ebé ható husi MSSSI la espesifika ba ema ne'ebé mak iha Direitu atu hetan subsidiu. Formulariu refere husu atu halo deit atualizasaun dadus Uma Kain Munisipiu Díli.
- Responsável husi MSSSI nunca halo koordinasaun no *cross-check* ba lista ne'ebé ható husi Xefe Suku no Aldeia, no ikus mai fó impaktu ba Benefisiariu sira.

VI. Konkluzau

Depois halao tiha vizita observasaun ba prosesu pagamentu iha Suku sira husi Postu Administrativu Dom Aleixo, no Postu Administrativu Cristo Rei, Munisipiu Díli, Komisaun halo konkluzau hanesan tuir mai:

- Prosesu pagamentu subsidiu lao neneik tebes tanba pessoal ne'ebe halo pagamentu husi MSSSI nain 1 deit koloka kada suku no laiha jestaun kona-ba distansiamentu sosiál, liu-liu iha Suku Comoro.
- Laiha koordinasaun diak entre Representantes Autoridade Lokál no MSSSI kona-ba atualizasaun dadus ba Uma Kain no implica duplikasaun ba dadus família ninian no Submisaun lista família iha diferenca dadus husi Autoridade Lokál.
- Formulariu ne'ebé distribui ba Xefe Suku la koresponde ho pedidu atribuisaun subsidiu ba Benefisiariu sira.
- Validasaun lista ba Benefisiariu ne'ebé ho rendimentu menus husi \$500, sira nia naran konsta fali iha lista sira-ne'ebé ho rendimentu mais de \$500 no Benefisiariu sira-ne'ebé ho rendimentu mais de \$500, iha balun halo reklamasaun.
Xhefe de suku sira recolha deit dadus ba

VII. Rekomendasaun

- Rekomenda ba MSSSI atu reforsa tan pessoal hodi aselera prosesu pagamentu ba Benefisiariu sira iha Nasionál no Munisipiu sira.
- Rekomenda ba MSSSI atu atualiza dadus Uma Kain periódika (trimestral) sertifika número família ne'ebé lolos, ho koordinasaun Xefe Suku no Aldeia sira.
- Rekomenda ba MSSSI atu atualiza mos beneficiariu sira ne'ebé hetan segurança sosiál ho rendimentu \$500 ba leten, tanba iha dadus ne'ebé haruka ba Suku iha Xefe Família ne'ebé servisu baibain (suru raihenek) iha fali lista segurança sosiál.
- Rekomenda ba MSSSI, Benefisiariu sira-ne'ebé naran dupla iha lista subsidiu iha nasionál ho Munisipiu seluk, nia iha direitu ba deit pagamentu ida.
- Husu ba Ministériu no Autoridade Lokál sira atu garante la halo pagamentu ba Benefisiariu sira-ne'ebé ho redimentu mais de \$500.
- Husu ba Minustériu competente sira atu garante prosesa lista ba Benefisiariu sira-ne'ebé seidauk hetan sira ninia direitu.

VIII. Aprovasaun Relatóriu

Relatóriu fiskalizaun ne'e hetan apresisaun no aprovasaun iha sede Komisaun lora 24 juñu 2020, ho votus a favor **7** kontra **0** no abstençaun **0**

Prezidente Komisaun,

Sekretária,

Noé da Silva Ximenes "Buka Tuir"

Helena Martins Belo